

SULIFFEQARNERMUT POLITIKKI

2023-2033



KOMMUNEQARFIK
SERMERSOOQ

AALLAQQAASIUT

Nuannaarutigaara Kommuneqarfik Sermersuup suliffissaqartitsinermut politikkia saq-qummiussinnaagakku. Suliffissaqartitsinermut suliassaqarfimmi politikkimi anguniakkatut pingaarnersiukkat suliassaqartitsinermut iliuuseqarnermik naleraqarluni ilusilersueqataapput.

Ukiuni aggersuni utoqqaat amerliartussapput peqatigitillugulu inuusuttut inuussutis-sarsiutigalugu sulisinaasut ikiliartussallutik. Taamaattumik pisortanit ikorsiissutinik pis-ariaqartitsinerup kivitseqataaffginissaa unamminartuussaaq inuussutissarsiutigalugu sulisinnaasut ikiliartortillugit. Innuttaasut amerlassutsimkkut katitigaanerisa ineriaror-nerat naoqqutaralugu ataasiakkaat aamma inuiaqatigiit piginnaanngorsartariaqarpavut. Ukiuni tulliuttuni qulini kommunimi siunissaq ungasissoq eqqarsaatigalugu suliffissaqar-titsinermut politikkeqarluta siunnerfeqassaagut.

Suliffissaqartitsinermut politikkimi qitiulluinnarput inuit ataasiakkaat – innuttaasut ataasiakkaat. Innuttaasut ataasiakkaa ilippanaateqarput, isumalluutaapput periarfissaqar-lutillu, tamakku inuiaqatigiinnut iluaqutaasussamik atuutilersittariaqarput. Ataatsimoor-nermut peqataaneq inunnut ataasiakkaanut nuannaarutaallunilu imminut naleqartinner-mik tunniussisinnaavoq aammalu inuiaqatigiinnut siuariartorermik pilersitsisinnaalluni.

Siunissami suliffissaqartitsinermi kikkulluunniit atorfissaqartinneqarput aammalu sulisut ilinniarsimasut annermik apersuutigineqartarumaarlutik. Taamaattumik anguniagaraarput innuttaasut amerlanerpaat suliffissaqarnissaat imaluunniit ilinniagaqarnissaat. Kinaluun-niit inuunermi tunngaveqarusuttoq suliffeqarusuttorlu assammik isaassivigissavarput kaammattorlugulu - kinaluunniit qaangiinnarneqassanngilaq.

Kommuneqarfik Sermersooq kommunimi sulisitsisut annersaraat aammalu suliffissaqar-titsinermi politikkikkut siuttoorusuppoq. Suliffissaqartitsinermut politikki immikkoorto-raqarfiit suliassaqarfiillu assigiiingitsut aqquaarlugit imaqarpoq. Ataatsimoorluta aki-sussaaffigaarput sulisussanik ujartuinerup aamma sulisussat amerlassusaasa imminnut ataqatigiinnissaat – ataasiakkaanut aamma inuiaqatigiinnut iluaqutaasussa. Aaqqiis-sutissanik attanneqarsinnaasunik nassaarutta, ataatsimoorluta kivitsigutta aatsaat anguiakkavut angussavagut. Suliffissaqartitsinermut politikkip ataatsimut tunngavis-sipaatigut, taamaasilluta inuusutissarsiortut namminersortut, ilinniagaqarfiiit, suliatigut kattuffiit aamma kommune akimorlugit siunnerfitta tungaanut ingerlasinnaaqqulluta.

Neriutigaara taamatut politikkeqarluta siunissami ukiorpassuarni suliffissaqartitsinermik suliassaqarfimmi pitsaasumik siunnerfiliisinnaasugut.

Atuarluarisi!

Inussiarnersumik inuullaqqusilluta

Inge Olsvig Brandt

Suliffeqarnermut Isumaginninermullu Ataatsimiititap siulittaasua

ATAATSIMUT SIUNNERFEQARNEQ

Suliffeqarnermut politikkip ukiuni 2023-2033 Kommuneqarfik Sermersumi suliffissaqartitsiniarneq ataatsimut siunnerfilissavaa. Ukiuni aggersuni politikkikkut pingaarnertut anguniakkat tassuuna pingaarnersiorneqarlutik tunngavis-siuunneqassapput. Kommuneqarfik Sermersuup suliffeqarneq pillugu politikkimi pingaartillugit qitiutippai:

- **Piginnaanngorsaaqqinnej**
piginnaasanillu ineriertortitsineq
- **Suliffeqarfii inissaqartitsisut**
- **Inuuusuttut suliffissaaleqisut**
- **Sulisartut avataaneersut**

Kommuneqarfik Sermersumi innuttaasut tamarmik piginnaasartik malillugu suliffeqarnissaat inuaqatigiinnilu peqataanissaat anguniarpalput. Kissaatigivarput innuttaasut tamarmik inuaqatigiinni naleqartutut peqataasutullu misigissasut. Taamaattumik suliffeqarneq pillugu politiki aqqutigalugu siunissami atugarissaarnissaq inuaqatigiinnilu nammineq peqataanissaq tunngavissiuukkumavarput. Amerlanerujussuit suliffeqalernissaat ilinniagaqaler-nissaalluunniit anguniagarivarput taamaalillutik imminnut pilersorsinnaalissammata. Tamanna innuttaasunut atasiakkaanut aamma inuaqatigiinnut iluaqutaassaaq. Suliertortarneq ataasiakkaanut arlalitsigut pitsaasumik sunniuteqarsinnaavoq: imminut naleqartinnerulerneq, inuttut ineriertorneq aamma suliffimmi ataatsimoorussaqarnermik nuannaarutiginneqataasinhaaneq. Inuaqatigiinni sulisut amerlanerulerpata tamanna kommunimut ineriertuutasaaq.

SULLIFFEQARFIIT OQIMAAQATIGIISUT

Ukiuni kingullerni Kommuneqarfik Sermersuumi suliffisaaleqineq appariartuinnarsimavoq, taamaaginnarporlu naak ukiup qanoq ilinera apeqquataasaraluartoq. Juulimi 2022-mi kommunimi suliffissaaleqisutut nalunaarsorsismasut katillugit 2,93%-imiipput. Ukiunili tulliuttuni aggersuni kommune inuiaqatigjinni arlalitsigut allanngoriartornermik aqqlusaagaqarumaarpooq, suliffeqarfiit inerikkiartorneq, toqqaannartumik sunniuteqartumik.

Innuttaasut amerlassusiisa siumoortumik naatsorsorneqarnerat malillugu inuit inuusarnerat agguaqatigiissillugu qaffariaateqartussaavoq. Utoqqaat amerlissapput taakkulu pisortanit ikiorneqarnissamik tapersersorneqarnissamillu pisariaqartitsissapput. Peqatigisaanillu inuusuttut inuussutissarsiuteqartut ikinnerulissapput. Taamaattumik kinguaariinni tulliuttuni sulisinnaasut ikinnerulissapput, tamannalu inuiaqatigijit atugarissaarnissaannut nukissanik annertunerusumik pisariaqartitsifiulissaaq. Siunissami suliffeqarfiit qaffasinnerusumik ilinniagaqarsimasunik pisarserusunnerulerutussaapput.

Suliffeqarnermut politikkeqarnitsigut inuiaqatigjinni allanngoriartortoqarnera piareeersimaffigissavarput. Siunissami ingerlalluartunik sunniuteqarluartunillu suliffeqarfekassappat, taava suliffeqarfiit sulisussallu akornanni oqimaaqatigjittoqarnissaa pisariaqarpoq, sulisinnaasut amerlassusii piginnaasallu eqqarsaatigalugit. Taamaattumik inuusuttut ilinniagaat qaffassassavagut suliffeqarfinnallu atassuserlугит, utoqqaat sivisunerusumik suliffiniitneqarlutik. Inerartortoqassappat atugarissaartoqarlunilu taava suliffeqarfiit oqimaaqatigissut pisariaqartinneqarput.

TAKORLUUGAQ

Kommuneqarfik Sermersooq najugarissallugu suliffisallugu pilerinartuussaqq. Kissaatigivarput innuttaasut pisinnasut tamarmik suliffeqarnissaat ilinniarnissaallu, suliffeqarfiillu sulisussananik pisariaqartitaminnik pissarsinissaat.

SULIASSAQARFIIT ASSIGIINNGITSUT AQ-QUSAARLUGIT AAMMA ATAATSIMOORTUMIK ISIGINNITTUMIK PERIUSEQARNEQ

Suliffeqarneq pillugu politikki kisimiinngilaq, isigineqassaarli kommuniip politikkii periusaalu allat ataatsimut ilanngullugit, kommuniip atuarfeqarneq pillugu politikkia, inuussutissarsiuteqarneq pillugu periusissiaq allallu ilangullugit. Angusas-sat pitsaanerpaat pilersikkumalllugit pisariaqarpoq sulias-saqrfit assigiiingitsut aqqlusaarlugit suleqatigiinnissaq aamma tamanik politikkikkut anguniakkani anguniaqataarusuttunik akuutitsinissaq. Tassani inuussutissarsiuteqartut allallu soqutigisaqaqatigijit oqaloqatiginissaat inerartoqatiginissaallu qitiulluinnartumik pingaaruteqarpoq.

Kommuneqarfik Sermersooq akisussaaqataalluni FN-ip nunarsuarmut anguniagai ilaatigut kommuniip nunarsuarmi piujuartitsisumik inerikkiartitsinissamik anguniagai aqqtigalugit iliuuseqassaaq. Suliffeqarneq pillugu politikkip nunarsuaq tamakkerlugu anguniakkani 4, pitsaassusilinik ilinniagaqarneq, aamma nunarsuarmi anguniakkani 8, suliffiit pitsaasut arningasaqarnikkullu inerikkiartorneq, anguneqarnissaat peqataaffigissavaa.

TUNNGAVIIT PINGAARNERIT

Suliffeqarneq pillugu politikkip tunngaviit sisamat tunngaviusut aallaavigissavai, taakkulu politikkimi qitiutillugit pingaartinneqarput aamma suliffeqarfiit pillugit iliuuseqarnermiippit. Tunngaviit suliffeqarneq pillugu politikkip tunngavissiuuppaat kommunillu suliffeqarneq pillugu iliuuseqarneranut tunngaviullutik.

KIKKUT TAMARMIK NALEQARPUT

Isumaqpugut innuttaasut tamarmik naleqartut aamma iluatinnartunik tunniussassaqartut. Innuttaasut suliffeqanngitsut ilippanaateqarput nukissaqarlillu, atorneqartussanik. Kissaatigivarput sapinngisamik amerlanerpaat nukissatik pigisatik atorlugit suliffeqarfinni peqataanissaat. Tassunga atatillugu aalajangiisuuulluinnarpoq innuttaasut ataasiakaat pisariaqartitaannik akuerinninnissaq innuttaasullu ataasiakaat inisisimanerat ataqqillugu paasininnissaq.

SOQUTIGISAQAQATIGIINNIK QANINNERUSUMIK SULEQATEQARNEQ

Iluatsittumik suliffeqarfiit pillugit sulissuteqartoqassappat, suliffeqarnermut tunngasuni suleqatigisarpassuit soqutigisaqaqatigijillu, soorlu suliffeqarfiit, soqutigisaqaqatigijit suliniaqatigijiffi, meeqqat atuarfiat, ilinniarfiit allallu nukittuumik aamma qanumut peqatiginissaat pisariaqarpoq. Kikkut tamaasa pitsaasumik oqaloqatigineqarnissaat ammasumilu suleqatiginissaat sallitikkumavarput. Pitsaanerpaamik suliffeqarnermut iliuuseqarneq taamatut suleqateqarnikkut taamaallaat kivinnejqarsinnaavoq.

KOMMUNE TAMAAT

Kommuneqarfik Sermersooq nunatamigut kommunerujus-suvoq annertooq. Nukiit periarfissallu assiginngillat, apeqqutaalluni Paamiuniinnerluni, Tasiliamiinnerluni, Ittoqortoormiinnerluni, Nuummiinnerluni imaluunniit kommuniip nunaqarfiininnerluni. Suliffeqarneq pillugu politikkikkut suliniutissaq kommunitamut tamarmut attuuppoq, illoqarfiippat nunaqarfiuppallu, taamaattumik nunap isorartunera, attaveqaasersuutit, kulturi ilinniartitaanerlu assiginngisuteqarsinnaanerisa eqcumaffigineqarnissaat pingaaruteqarluinnarpoq.

KOMMUNINI SIUTTOQ

Suliffeqarneq pillugu politikkip suliniutigineqarnissaat siutuuffigerusupparput. Kommuniip sulisitsisut annersaattut kommune suliffeqarfiitkuskupparput pilerinartoq sulisunut innuttaasunullu tamanut iluaqutaasoq. Taamaattumik maligassiuerusuppgut – piumasaqaatigalugulu - Kommuniip suliffeqarfiit suliffeqarneq pillugu politikkimi tunngavissatut aalajangersakkat malissagaat, taamaallilita tamatta ataatsimut siunnerfeqarluta suliffeqarfiit pitsaanerulersivagut taakkulu akutinnerulersillugit.



PINGAARTILLUGIT QITIUTINNEQARTUT SISAMAT

Kommunip suliffeqarneq pillugu politikkiani pingaartillugit qitiutinnejartut sisamat aalajangersaavagineqarput, taakkulu ukiuni tulliuttuni qulini suliffeqarneq pillugu politikimik suliaqarnermi tunngavissiuisuussapput. Pingaartillugit qitiutinnejartut isumagineqarnerisigut tunngavippiarineqartut erseqqissaavagineqassapput.

PIGINNAANNGORSAAQQINNEQ PIGINNAASANILLU INERIARTORTITSINEQ

Kommuneqarfik Sermersuumit sulissutigumaneqarput:

- ▶ ilinniarsimasut amerlanerulernissaat aamma innuttaasut tamarmik piginnaanngorsaqchinneqarnissaat qitiutillugu pingaartinneqarnissa
- ▶ suliffissarsiortunut tamanut tunngaviliisunik aamma suliffissanik naleqquttunik pikkorissarfingineqarsinnaasunik peqassasoq
- ▶ innuttaasut imatut piginnaanngorsarneqassasut, sulinsinaasut piginnaasaat suliffeqarfilt pisariaqartitaannut tulluarsarneqarlutik
- ▶ sulisut piginnaasaannik ingerlaavartumik piginnaanngorsaannermik ineriertortitsineq suliffeqarfinni ilaatinnejassasoq

SIUNISSAMUT ANINGAASALIINEQ

Suliffeqarfiiit ineriertortinnejarnissaat angujumallugu innuttaasut tamaasa, utoqqaanerit aamma suliffissarsiortut, pisariaqartippagut, taakku suliffeqarfinniitinnissaat peqataallutillu inuiaqtigiiinni suleqataanissaat. Sulisinnaasut piginnaanngorsarneqarnerat siunissamut aningaasaliinertut isigaarput. Pikkorissaaneq piginnaanngorsaanerlu sulusunik attassisinnaanermut aamma suliffissarsiortut suliffeqarfinnut qaninnerulernissaannut iluaqutaassapput.

Kommunimi innuttaasut tamarmik pikkorissarneqarnissaat sallitutissavarput. Periarfissat pigeriikkavut atorluuarlugillu nutaanik suliniuteqassaagut, soorlu najugaq qimannagu satellitsikkut ilinniartitsinerit sannaviillu pinngorartitsiffiusut. Tassani piginnaasanik nalilersuinerit pitsaanerulernissaat akuerineqarnissaallu kissaatigivarput. Suliniutigineqartut innuttaasut tamarmik piginnaasaqarnerulernissaannut periarfissiuussissapput.

SULIFFEQARFIIT PISARIAQARTITAAT

Siunissami suliffeqarfinnit sulisinnaasut piginnaasaat alalaanerusut piumasaqaatigineqalissapput. Suliffeqarfiiit, sulisinnaasut naminneq pisariaqartitaminnut, pikkorisaanissaat tapersorsorusupparput. Suliffeqarfiiit pisariaqartitaannik matussusiumalluta aamma sulisinnaasut naleqquttumik piginnaanngorsarneqarnissaat qulakkeerumallugu, inuussutissarsiuteqartunik ujartuilluta attaveqarnerulissaagut. Suliffeqarfinnik ilinniarfinnillu suleqateqarnerput ineriertortikkumavarput, sulinermik sungiusarnermut suliniutit ilinniarfissallu pitsaanerulersinnissaat siuarserneqarnissaallu qitiutillugu.

SULERIAASEQ TAPERSERSUISOQ

Sulisinnaasut ilinniartinnejartuarnissaat piginnaanngorsarneqartuarnissaallu kissaatigivarput, sulisinnaasup suliffeqarfinnut allanngorartunut naleqqussarsinnaanissa qulakkeerumallugu. Suliffeqarfiiit sulisut ingerlaavartumik

nutaanik piginnaanngorsartarnissaannik tapersersortassaavaat. Pikkorissaanissamut aamma ilinniarnissamut periarfissat pisariitsunngorlugin aqqissuunnissaat pingaartillugu qitiutissavarput aamma periarfissanik paasisitsinliaaqqitarneq, taamaalilluni sulisut suliffeqarfiiillu piginnaanngorsarnerup ineriertortinera sulinermut qitiusumik ilaatinnejarsinnaalersillugu.

SULIFFEQARFIIT INISSAQARTITSISUT

Kommuneqarfik Sermersuumit sulissutigumaneqarput:

- ▶ innuttaasut tamarmik suliffeqarnissaminnik aamma suliffeqarfinnut ilaaniissaminnut periarfissaqartinnissaat
- ▶ suliffeqarfinni innuttaasut tamarmik nukissaqarnerinik aamma tapersorsorneqarnissaminnik pisariaqartitsinerik paasinninnerulertoqassasoq
- ▶ innuttaasut tamarmik pisariaqartitaannik periarfissanik aaqqiissutinillu naleqqussakkanik pilersitsisoqassasoq qulakkeernejassasorlu suliffeqarfinni kikkut tamarmik ilaatinnejarnissaat
- ▶ innuttaasut immikkut unammilligassallit pisariaqartitsisulu amerlaneruseunik suliffinnik periarfissaqartinnejassasut aamma pilersinneqarlutillu uersarissuutinnejassasut

INNUTTAASOQ INISSISIMANERA MALILLUGU NAAPINNEQASSAAQ

Innultaasoq, innultaasup inissisimanera malillugu, naapis-savarput, inuit ataasiakkaat namminneq oqaluttuassartaat, pisariaqartitsinerat aamma periarfissaat paasillugit. Innultaasut killilimmik nukissallit unammilligassallillu sapinngisaminnik tunniussaqarnissaminnut periarfissinnejassapput. Tamanna suliffeqarfinnut, inuiaqtigiiinnut inummullu atatsiakkaamut iluaqutaassaaq. Innultaasut suliffeqarfinni suliniarnerminni tikilluaqpusaanatik imlt. siumut isummereernermin misigitinnejassanngillat. Suliffeqarfiiit aamma innultaasut suliffeqarfiiit avataanniittut akornanni ataatsimeeqatigiinnissamut atortutigut ikuukkumavugut. Anguniagaavoq suliffeqarfiiit paasitinneqarnissaat isumataartinnejassasallu, taamaaliornikkut innultaasut tamarmik naleqqututut sulisinnaasutullu suliffeqarfinnit isigineqarnissaat.

ALLATUT AAQQISSIONUTEQARNERIT AQQTISIUULLUGIT

Suliffeqarfiiit inissaqartitsisut pigissagaanni tassani aalangiisuuvoq suliffeqarfiiit eqaatsumik periusillit piginissaat inunnik assigijinngitsunik taakkulu pisariaqartitaannut naleqqussarneqarsinnaasut. Atorfinitsitsinermit allatut periuseqarnerit amerlanerusut aqqutissiuukkumavagut. Innultaasut suliffeqarfimmut tunniussassalerujussuupput, aamma sapaatip akunneranut akunnerit 40-t sulisinnaannngikkaalarlutik. Taamaattumik suliffiit illersukkat, nikerartumik suliffiusinnaasut aamma piffissap ilaannaanik sulisarnissamik aaqqissuussinerit amerlanerusut pilersinneqassapput. Tassunga atatillugu suliffeqarfinnut suliniutit iliuuserineqarsinnaasallu pitsaanerulersillugillu suliernissamut piareersarfinnut allanullu suliniuteqartunut siammerterusappavut, ilaatigut ileqquusumik ilinniarfiiit periusaat avaqqullugu piginnaasanik ilikkakanik angusisimanermut uppernarsaate-qarsinnaanerup anguneqarnissaa periarfissiuullugu.

KIKKUT TAMAASA INISSAQARTILLUGIT

suliffeqarfinni pisariaqartinnejaaannaristik kisianni aamma kikkut tamarmik suliffeqarfinni inissaqartinnejassapput.

Kommunimi suliffeqarfiiit annersaattut innuttaasunut imikkut unammilligassalinnut pisariaqartitsisunullu suliffissaqartitsinissami siuttoorusuppugut. Suliffeqarfiiit inoqataanermi akisussaaffimmik tiguserusunnerat naatsorsuutigalugu naapikkusuppavut, inuit nukissaat qitiutinerullugit aallussisut. Innuttaasut nukiiniq qitiutitsinikkut suliffissat inunnut timimikkut tarnimikkut imaluunniit inuuniarnikkut ajornartorsiuteqartunut, suliffeqarfinnut iseruminaatsitsisunut, suliffissat naleqqussakkat ammaassisfigineqarnissaat ersarinnerulersinneqarnissaallu pillugit inuussutissarsiornermilu ilitsersorneqarnissaat tapersorsorumavarput, pingaartumik atuarfimmiit ilinniarfinnut aamma ilinniarfinniit suliffinnut. Inuussutut namminneq kissaatigisaminnik sapinngisaminnillu ilinniakkamik suliffimmillu eqqortumik toqqaanissaannut ilitsersorneqassapput, suliffeqarfiiit sulisussaminnik pisariaqartitaannik. Meeqqat atuarfiisa ilinniarfiisalu suleqatiginerat pitsaanerusulersikkusupparput paasisstutisiineq aamma inuussutunik siunnersuinermeri suliffisanik periarfissat ersarinnerulersinneqarnissaat ilanggullugu.

INUUSUTTUT SULIFFISSAALEQISUT

Kommuneqarfik Sermersuumit sulissutigiumaneqarput:

- ▶ inuussutut amerlanerut ilinniakkamik aallartitsisalissasut
- ▶ siusissukkut iliuuseqarnikkut pitsaaluiuneq aamma inuussutunik suliffeqarfinnut aqqutissiuussinermik tapersersuineq
- ▶ ilinniagaqarnerup naleqassusianik aamma ilinniarfissarpassuit suliffissarpassuillu pillugit oqaasertalersuineq
- ▶ inuussutut ilinniagaqalernissaannik ilinniakkallu naamassillugu ingerlannissaannik ilitsersuineq kajumissaari-nerlu

PITSAALIUISUMIK PISSUSEQARNEQ

Upperivarput siusissukkut iliuuseqarneq sivisuumik suliffissaarusimasuunissamat sakkussat pingaernerpaat ilagigaat. Atuarfinni meeqqat inuussuttullu immikkut suliniuteqarfingineqarnissaminnik pisariaqartitsisut kikkuussersineqarnissaat inuussuttut ilinniarfinniitinnarnissaannut iluaquataallunilu suliffeqarfinnut isernissaannut ikorfartuutaaqaq. Inuussutut ilinniarfinniit anijnnartarnerat suliffeeruttarneralluunniit pinngitsoortinniarlugit, inuit sullitanut qaninnerpaat – inuussutunik aqqutissiuuisut, ilinniartitsisut, perorsaasut, atuartut angajoqqaallu akornanni suleqatigineq saliullugu pingaartikkumavarput.

Pitsaaluiinerup ilaatut eqqarsartaatsikkut peqqissuuneq atugarissaarnerlu ilisimaneqarnerulersikkusuppavut. Susassaqarfinni assigiinngitsuni ikuinerit naleqquttut pillugit inuussutut innersuullugillu paasitikkumavagut.

ILINNAGAQARNERUP ILUANAARUTAA ERSARISSUUSSAAQ

Pikkoriffiit piginnaasallu pillugit piumasapaat qaffakkiartuinnarfianni ilinniagaqarsimaneq inuusutumut suliffissanut annerusumik qulakkeerinissaaq. Suliffeqarfinnut, inuaqatigiiinnut aamma inunnut ataasiakkaanut iluaquatasumik ilinniagaqarnerup qanoq naleqartigina pingaartillugu qitiutissavarput oqaasertalerlugulu. Ilinniarfiusinnaasut aamma suliffiusinnaasut assigiinngitsorpassuit periarfissasut inuusuttunut paasissutissiissutigineqassapput ersarissarneqarlutillu. Inuussutut ilinniarfiusinnaasuni aamma suliffiusinnaasuni imminnut takusinnaassapput aamma suliffeqarfinni inuaqatigiiinnilu imminnut nalilittut isigissapput. Inuussutunut siunnersorteqarnerup atorneqarnerulernissaa pitsaanerulersissavarput siammerterlugulu. Inuusutunut pisariaqartitsisinnaasunut inuussutissarsiornermut ilinniarfiit pilerinarnerusut aamma eqaannerusumik periusilit taamatullu sulilernissamut qaninnerusumik ilinniartitsifflusut pilersinneqassapput.

ILINNIAKKANIK PITSAASUNIK TOQQAANISSAQ

SIUARSARLUGU

Inuussutut siunissaminni ilinniagassaminnik pitsaanerpanik toqqaanissaat tunngavissiuukkumallugu, inuussutut piukkunnartunik ilinniarnissaat inuussutissarsiornermilu ilitsersorneqarnissaat tapersorsorumavarput, pingaartumik atuarfimmiit ilinniarfinnut aamma ilinniarfinniit suliffinnut. Inuussutut namminneq kissaatigisaminnik sapinngisaminnillu ilinniakkamik suliffimmillu eqqortumik toqqaanissaannut ilitsersorneqassapput, suliffeqarfiiit sulisussaminnik pisariaqartitaannik. Meeqqat atuarfiisa ilinniarfiisalu suleqatiginerat pitsaanerusulersikkusupparput paasisstutisiineq aamma inuussutunik siunnersuinermeri suliffisanik periarfissat ersarinnerulersinneqarnissaat ilanggullugu.

SULISARTUT AVATAANEERSUT

Kommuneqarfik Sermersuumit sulissutigiumaneqarput:

- ▶ avataaniit suliartortut pisariaqartitsineq malillugu, pisariaqartitsinerlu naapertorlugu, suliartortinnejartassasut
- ▶ avataaniit suliartortitsineq ajornannginnerulissasoq
- ▶ atorfiiit inuttaqanngitsut sulisunik ilinniarsimasunik inutlerneqassasut, najugaqariinngippata avataaneersunik
- ▶ aaqqissuussinernik pilersitsisoqassasoq najugaqartut ineriartortinnejartigisinaasaannik, avataaniillu pigin-naasalinnit pikkorissarneqarlutik

SULISUSSANIK AVATAANEERSUNK PISARIAQARTITSINEQ

Naak najugaqartut tamakkiisumik suliffissaqartinnejarnissaat siullertut qulakkeerneqarnissaa kissaatigineqaraluartoq ilinniarsimasunik sulisussarsiorneq nammineerluta najugaqartunik pissarsisinnaanitsinnit annertunerujussuuvoq. Tamanna ima isumaqarpooq, avataaniit sulisinjaasut pisariaqartikkippit. Atorfiiit najugaqartunit inuttalerneqarsinnaangikkaangata avataaniit suliffiiit inuttalerneqartassapput. Taamaattumik sulisitsisunut ajornannginnerussaaq avataaneersunik ilinniarsimasunik sulisertsinissaq.

NAJUGAQARTUT PIGINNAANNGORSARNEQARNERAT

Pingaartereqarpooq inuiaqatigiiinni atorfiiit inuttaqanngitsut ilinniarsimasunit inuttalerneqarnissaat, taakku najugaqarttuuppata avataaneersuuppataluunniit. Tamanna suliat qaffasissumik pitsaassusilimmik suliarineqarnissaannut qulakkeerneqataassaaq, tamannalu suliffeqarfinnut ataasiakkaanut naleqalersitsillunilu ineriartuutaaginnarani aamma kommunimut tamarmut ineriartuutaassaaq.

Suliffeqarfiiit sulisussaqarniarneranni najugaqartut piginnaanngorsarneqarnissaat saliukkumavarput. Inuussutissarsiornermut oqaloqateqarneq suleqateqarnerlu pitsaanerulersinneqassapput, suliffimmik sungiusarnermut malitseqartitsinermillu aaqqissuussinernit pilersinneqarnissaat siammerterneqarnissaallu eqqarsaatigalugu, tamatumani siunnerfeqartumik najukkami sulisinjaasut amerlanerulerlutilu suliffinnut piginnaanngorsarneqassapput. Tassani avataaniit suliartortinnejartoq pilersarusekkamik atorneqarsinnaavoq, najukkami sulisinjaasunk periarfissiuussineq, ineriartotitsineq sungiusaanissarlu eqqarsaatigalugit.